

Баяр наадмын зохион байгуулалт

Хүй долоон худгийн соёл, урлагийн Б талбайд УБЦТС компанийн ажилчдын баяр зориулан цэвэрлэгээ, үйлчилгээ, талбайн түрээсийн төсөв гаргаж орлогыг оруулав. Мөн энэ үеэр худалдаа, үйлчилгээний цэгүүдийг гаргалаа.



**ҮНДЭСНИЙ ИХ БАЯР НААДАМ, ТУЛГАР ТӨРИЙН 2223 ЖИЛ, ИХ МОНГОЛ
УЛСЫН 808 ЖИЛ, АРДЫН ХУВЬСГАЛЫН 93 ЖИЛИЙН ОЙГ “ХҮЙ ДОЛООН
ХУДАГ”-Т ТЭМДЭГЛЭН ӨНГӨРҮҮЛСЭН АЖЛЫН ТАЙЛАН**

2014 оны 7 дугаар сар 16

ХАРЬАЛАГДАХ САЛБАР ХОРОО: ТОХИЖИЛТ, ЗАСВАР, ХУДАЛДАА,
ҮЙЛЧИЛГЭЭНИЙ САЛБАР ХОРОО

ТАЙЛАН БИЧСЭН: “МОНГОЛ НААДАМ ЦОГЦОЛБОР” ОНӨТҮГ

“Монгол Наадам Цогцолбор” ОНӨТҮГ нь Үндэсний их баяр наадам, Тулгар төрийн 2223 жил, Их Монгол улсын 808 жил, Ардын хувьсгалын 93 жилийн ойг “Хүй

Монгол наадам цогцолбор ОНӨТҮГ-ын 2014 оны тайлан, гүйцэтгэл долоон худаг"-т тэмдэглэн өнгөрүүлэх талаар 40 зүйлийн ажлууд төлөвлөн ерөнхий удирдагчаар "Монгол Наадам Цогцолбор" ОНӨТҮГ-ийн дарга П.Цогтбаатар, Ерөнхий зохион байгуулагчаар Захиалагч менежер Ж.Өлзийсайхан, Тохижилт, үйлчилгээний зохион байгуулагчаар Ж.Нямхүү нар томилогдон тус байгууллагын нийт 30 хүн ажилтан "Хүй долоон худаг"-т баяр наадам зохион байгуулах тохижилт, засвар, үйлчилгээ, зохион байгуулалтын ажлыг байгууллагаас гаргасан төлөвлөгөөний дагуу тогтоосон хугацаанд амжилттай хийж гүйцэтгэлээ.

Тус баг бүрэлдэхүүн нь наадмын зохион байгуулалтын бэлтгэл ажиллагааны 2 сарын хугацаанд нийт 8 удаа хуралдаж төлөвлөсөн ажлуудыг графикийн дагуу цаг хугацаанд нь гүйцэтгэж, гэрээт байгууллагуудаас гүйцэтгэлээ шаардан хянан ажиллаж, тулгамдсан асуудлуудыг цаг тухайд нь шийдвэрлэж байлаа.

Наадмын зохион байгуулах хорооноос "Хүй долоон худаг" дээр 3 удаа үзлэг шалгалт хийж, холбогдох үүрэг даалгаврыг өгч байсан.

Баяр наадмын зохион байгуулах хорооны салбар хороо болох Тохижилт, засвар, худалдаа, үйлчилгээний салбар хорооноос "Монгол Наадам Цогцолбор" ОНӨТҮГ-т 105.900.000 төгрөг хуваарилан төсөвлөгдсөнөөс 37.200.000 төгрөгийн нэмэлт төсөв оруулан нийт 143.100.000 төгрөгийн төсөвтэй хийж гүйцэтгэлээ. Дээрх төсвийг Улсын их баяр наадмын зохион байгуулах хорооны Тохижилт, засвар, худалдаа, үйлчилгээний салбар хорооны дарга Б.Бадралаар батлуулан, төлөвлөгөөний дагуу "Хүй долоон худаг"-ийн морь барианы газарт хийгдэх тохижилт, засвар, үйлчилгээний зардалд зарцуулан төсөвт дүнд багтаан ажиллаж байна.

"МНЦ" ОНӨТҮГ-т Улсын их баяр наадмыг зохион байгуулах хорооны Тохижилт, засвар, худалдаа, үйлчилгээний салбар хорооноос хуваарилсан төсөвт ажлууд:

1. Тохижилтын ажил
2. Цэцэрлэгжүүлэлт, зүлэгжүүлэлтийн ажил
3. 40 тн-ын контейнерэн 00-ыг засварлах
4. Морь барианы газрын хог хаягдлыг цэвэрлэх, ачиж зайлуулах
5. Эндсэн мал болон бохир усны нүх ухах
6. Нийтийн бие засах газрын бохир соруулах, цэвэр ус хангах

7. Машин механизм
8. Сэтгүүлч, үзэгчдийн индрийг шинээр хийх
9. Зүлэгжүүлэлт, морь барианы хэсгийн усалгаа

1. Цэцэрлэгжүүлэлт, тохижилт, усалгаа, контейнерэн 00-ын талаар

Хүй долоон худгийн нийтийн эзэмшлийн хуваарьт зам талбайд усалгаа, цэвэрлэгээ, цэцэрлэгжүүлэлт, хог тээврийн үйлчилгээ, хогийн сав байрлуулах, контейнерэн “00” ажиллуулах ажилд нийт 159 хүн, 17 машин, техник гарч ажиллаа.

- Нийт 1350м2 талбайд 46.000 ширхэг нэг наст цэцэгжүүлэх ажлыг Хүй долоон худаг руу ордог авто замын аюулгүйн тойргийн эргэн тойронд болон үйлчилгээний А талбайн голд 3 давхар өндөрлөгтэй хийхэд 6-р сарын 05-аас 7-р сарын 13-ны хооронд 2 машин буюу 12 хүн ажилласан бөгөөд орчин тойрны 920 м2 талбайд нөхөн зүлэгжүүлэлт хийн, тус цэцэгжүүлэлт, зүлэгжүүлэлтийн усалгааг тогтмол хийж байсан.

/хавсралт зураг №1/

- Үйлчилгээний талбайн тохижилтод 50 ширхэг түшлэгтэй амралтын сандал, 150 дугуйт хогийн сав, 80 ширхэг суурин хогийн сав, 31 байршилд бие засах газруудыг байрлуулан наадамчин олонд үйлчиллээ.
- Шинээр хийсэн бүтээн байгуулалтын хувьд 800 метр урттай, 2,5 метрийн өргөнтэй бетон явган хүний зам ***/хавсралт зураг №2/***, “А, Б” замын голд асфальт, бетон болон эко хавтангаар 500 автомашины зогсоолын ажлыг хийж гүйцэтгэв. ***/хавсралт зураг №3/***
- Хүй долоон худгийн хурдан морь барианы газар түүний эргэн тойронд 2 машин 4 хүний бүрэлдэхүүнтэйгээр нийт 39 рэйсээр 240 тн усаар тогтмол усалгаа хийсэн. Усалгааг СБД-ийн ТҮК хийж гүйцэтгэв.
- СХД болон Улаанбаатар нэгтгэлээс 7 машин хог тээвэрт ажиллаж өдөрт 64 хүн 5 удаагийн давтамжтайгаар нийт рэйс буюу 374 тн хог ачиж тээвэрлэсэн. 7-р сарын 13-ны оройны байдлаар Хүй долоо худаг орчмын хог цэвэрлэгээний байдал 60 хувийн гүйцэтгэлтэй байснаас 7-р сарын 14-ны өдөр СХД-ийн ТҮК-ийн 30 ажилтан, “Монгол Наадам Цогцолбор”-ын оффисийн ажилчид болон, тохижилт, үйлчилгээний хэлтсийн ажилчид нийлэн хог цэвэрлэгээг хийж дуусгасан.
- 7 дугаар сарын 10 аас 13-ны өдрийг дуустал хурдан морины барианы газар нийтийн бие засах 31 ширхэг контейнерэн “00” –ын 6-8 тн-ын

багтаамжтай цэвэр усны ёмкость ус зөөвөрлөх, бохир ус соруулах ажлуудыг “Голден Эко” ХХК хийж гүйцэтгэсэн. Тус компани нь нийт 5 ширхэг цэвэр усны машин, 8 ширхэг бохирын машинтайгаар Хүй долоон худагт ажиллаж нийт 382 рейс буюу 2292 тн бохир ус соруулж, 341 рейс буюу 1705 тн цэвэр ус зөөсөн.

- 31 ширхэг контейнерэн “00”-ын хувьд Ерөнхийлөгчийн хотхонд 1 ширхэг, Баяр наадмын комисст 2 ширхэг, Цагдаа толгой дээр 2 ширхэг, “Монгол Наадам Цогцолбор”-ын оффист 1 ширхэг, үйлчилгээний А, Б талбайд 25 ширхэг “00” тус тус ажиллалаа. 1 ширхэг контейнерэн “00”-ын мотор шатаж ус шахах боломжгүй болсныг газар дээр нь арга хэмжээ авч, үйл ажиллагааг зогсоолгүйгээр гар аргаар ажиллуулсан.

2. Эндсэн мал болон бохир усны нүх ухах талаар

Хүй долоон худагт 4*4-ийн хэмжээтэй 3 метрийн гүнтэй эндсэн малын нүх 1 ширхгийг, 3*3 хэмжээтэй 2,5 метрийн гүнтэй бохир усны нүхийг үйлчилгээний А,Б зогсоолын талбайд 1 ширхэг, үйлчилгээний А талбайд 1 ширхгийг тус тус ухаж бэлтгэсэн бөгөөд тус нүхэнд хүнсний үйлчилгээ эрхлэгчид бохир усаа хийсэн. 3 ширхэг хурдны морь эндсэнийг зориулалтын нүхэнд булж дарав.

3. Морь барианы газар индэр шинээр барих, үзэгчдийн сандал байршуулах талаар

Хүй долоон худгийн морь барианы газарт хийгдэх тохижилт, засвар, үйлчилгээний зардалд тусгагдсаны дагуу 2.5*4 хэмжээтэй сэтгүүлчийн индэр 1 ширхгийг */хавсралт зураг №4/*, 4*18 хэмжээтэй 200 хүний багтаамжтай 2 давхар үзэгчдийн индэр 1 ширхгийг */хавсралт зураг №5/* тус тус шинээр бариулан 7-р сарын 10-ны өдөр эцсийн байдлаар 100 хувийн гүйцэтгэлтэйгээр хүлээн авлаа. Тус индрийг барилга, угсралтын “Түмэн төмөрт” компани захиалгаар хийж гүйцэтгэлээ. Мөн морь барианы газарт 3000 үзэгчдийн зөөврийн суудал, 120 хүний суурин суудал байрлуулан тус суудлууд дээр давхардсан тоогоор 52.000 орчим үзэгч сууж хурдан морины уралдааныг үзэж сонирхсон. */хавсралт зураг №6/* Дээрх тоог уралдааны насаар ангилбал:

1. Хязаалан – 4000 орчим /07.10-ны өглөө/
2. Шүдлэн – 4500 орчим /07.10-ны өдөр/
3. Азарга – 4500 орчим /07.11-ний өглөө/
4. Их нас – 6000 орчим /07.11-ний өдөр/

5. Соёолон – 10 000 орчим /07.12-ны өглөө/
6. Даага – 8000 орчим /07.12-ны өдөр/
7. Эрлийн морьдын дээд нас – 4000 гаран /07.13-ны өглөө/
8. Эрлийн морьдын дунд нас – 4500 орчим /07.13-ны өдөр/
9. Эрлийн морьдын доод нас – 4500 орчим /07.13-ны үдээс хойш/

Үзэгчдийн 3000 суудлаас 7-р сарын 12-ны орой 600 суудлыг манай байгууллагын Тохижилт, үйлчилгээний хэлтсийн ажилчид Б талбай буюу Урлагийн талбай дээр Уяачдын баярт зориулан угсран байрлуулж “Уяачдын наадам”-ыг наадамчин олон тухлан сууж үзэх боломжоор хангасан. Уяачдын наадмын үзэгчдийн тоон үзүүлэлтийг харахад суудлын тоо багадсан байсан бөгөөд наадам үзэхээр ирсэн үзэгчдийн талаас илүү хувь нь газар суун мөн суудлын тоо хэтрүүлэн авирч, суудал хуваан сууж байсан.

4. Худалдаа, үйлчилгээний талаар

Хүй долоон худагт төлөвлөсөн худалдаа үйлчилгээний чиглэлийн ажил төлөвлөгөөний дагуу хийгдэж А талбайд СХД-ийн худалдаа, үйлчилгээний хэлтэс хуушуур, хүнсний худалдааны зөвшөөрөл олгож, Б талбайд “Монгол Наадам Цогцолбор” худалдаа, үйлчилгээ, тоглоомын зөвшөөрөл олгож ажилласан.

Хүй долоон худгийн үйлчилгээний талбайгаас урлагийн талбай хүртэлх дундын зайд, нийтийн автобус болон автомашины зогсоолын орчимд гар дээрээс худалдаа хийх гэсэн зөрчил тасрахгүй байлаа. Урлагийн талбайд үйл ажиллагаа явуулж байгаа хөдөлгөөнт тоглоомууд дээр хяналт тавьж ажилласан. Шалгалтын явцад хүүхдийн бие, эрхтэнд гэмтэл учруулахуйц төрлийн тоглоом худалдаалах болон хөлсөөр тоглуулаагүй болно.

Худалдаа, үйлчилгээний “Б” талбай дээр хөдөлгөөнт тоглоомын 43, гэрэл зураг 5, унадаг дугуй түрээсийн 2, кино үзвэрийн 2, бэлэг дурсгал, тоглоомын худалдааны 21, амьтны хүрээлэн, 6 D кино театр зэрэг сонирхолтой цэгүүдээр наадамчин олондоо үйлчиллээ. **/хавсралт зураг №7/**

Баяр наадмын үеэр нийт 10 аж, ахуйн нэгж, 18 иргэнээс үйлчилгээ, худалдаа эрхлэх хүсэлт ирснээс 27 ширхэг зөвшөөрөл олгон, мөн шууд талбай дээр болон зүлгэн дээр буусан гар дээрх, худалдаа, үйлчилгээ, тоглоомыг таслан зогсоох тал дээр анхааран ажиллаж, худалдаа, үйлчилгээний “Б” талбайруу буулган үйл ажиллагааг жигдрүүлэн хяналт, шалгалтыг хийж ажилласан.

5. Нийтийн тээврийн үйлчилгээний талаар

“Хүй долоон худаг”-руу Railbus буюу төмөр замын автобусыг явуулахаар болсонтой холбогдуулан Давааны өртөө зогсоолоос наадмын талбай хүрэх 2 км орчим зайд хайрган түр зам тавьсан **/хавсралт зураг №8/**. Энэхүү замаар Нийслэлийн тээврийн газраас том оврын автобус иргэдэд үйлчилсэн. Мөн “Цахилгаан тээвэр” ОНӨААТҮГ-ын 5 ширхэг J-800EV загварын цахилгаан автомашинаар Хүй долоон худгийн автобусны төв зогсоолоос А,Б зогсоол хүртэл шинээр тавигдсан 2,7 км 800 метрийн урттай 4 метр өргөн замаар өндөр настан, хүүхэд, эмэгтэйчүүдэд үйлчилсэн. **/хавсралт зураг №9/**

Мөн НЗДТГ-аас 2 ширхэг Mitsubishi маркийн цахилгаан машиныг туршилтын журмаар явуулж иргэдэд үйлчилсэн. **/хавсралт зураг №10/**

ДҮГНЭЛТ

Улсын их баяр наадам, Ардын хувьсгалын 93 жилийн ойг тэмдэглэн өнгөрүүлэх ажлын хүрээнд манай “Монгол Наадам Цогцолбор”-ын төлөвлөгөөт ажлууд бүрэн хийгдэж, ялангуяа тохижилт, үйлчилгээ эмх цэгцтэй, шороо тоосгүй байж, олон нийтийг наадуулах, зугаацуулах үйл ажиллагааг тодорхой хэмжээнд хийж наадамчин олны ая тухтай наадах боломжийг хангаж, амжилттай сайн зохион байгуулж өнгөрүүллээ гэж дүгнэж байна.

Улсын их баяр наадмыг зохион байгуулах хорооны тохижилт, засвар, худалдаа, үйлчилгээний салбар хорооноос баталж өгсөн зардлуудыг бүрэн зарцуулсан бөгөөд анхны төсөвт тусгагдаагүй 37.200.000 төгрөгийн нэмэгдэл зардал гарсныг төсвийн нэмэгдлээр гаргуулан засвар үйлчилгээ, тохижилтын ажлыг зохион байгуулж, 7-р сарын 16-ны байдлаар “Монгол Наадам Цогцолбор”-ын дансанд 13.440.000 төгрөгийн санхүүжилт хийгдээд байна. Дээрх төсөвт тусгагдсан ажлуудын бусад холбогдох зардал харьяалагдах салбар нэгжүүдээр дамжиж байгаа бөгөөд гүйцэтгэгч компаниудтай холбогдох ажил гүйцэтгэлийн гэрээ байгуулж ажилласан бөгөөд гүйцэтгэлийг гэрээний дагуу хүлээн авч, хянан шалгаж ажиллалаа.

Баяр наадмын бэлтгэл ажлыг хангахад манай байгууллагаас оффис, ТҮК нийлсэн 30 ажилтан ажилласнаас Захиалагч менежер Ж.Өлзийсайхан, Маркетингийн хэлтсийн менежер Д.Өлзийсайхан, Б.Солонго, Хүний нөөц, дотоод асуудал хариуцсан мэргэжилтэн Б.Нямбаяр, Тооцооны нягтлан Б.Алтанзул, Аж

Монгол наадам цогцолбор ОНӨТҮГ-ын 2014 оны тайлан, гүйцэтгэл ахуйн нярав Д.Тогтохзаяа, Ашиглалт, тохижилт, үйлчилгээний инженер, Архитектор Г.Батсайхан, Байгаль орчин экологийн мэргэжилтэн М.Жаргалсайхан, “Тохижилт, үйлчилгээний ажилтан” цахилгаанчин Б.Батжуулах, сантехникч Б.Эрдэнэпил, У.Лхагважаргал, Ц.Нямлхагва, Б.Очир-Илд, П.Жавхлан, Д.Ариунтуул нар бусдыгаа хошуучлан, идэвх, зүтгэл гарган манлайлан удирдан зохион байгуулж ажилласныг тэмдэглэхэд таатай байна.

Цаашид анхаарч ажиллах арга хэмжээний талаарх санал

- Хүй долоон худаг орчмын хог цэвэрлэгээний зардлыг нэмэгдүүлэх, ТҮК-ийн ажилчдын тоог нэмэгдүүлэх
- Улаанбаатар Цахилгаан Түгээх Сүлжээ ТӨХК-ийн цахилгаанаар хангах ажил цагийг нь тулгаж эхэлснээр контейнерэн “00”-ын ажиллагааг 100 хувь шалгаж чадалгүй ажиллуулсан. Үүнээс үүдэн 7-р сарын 10-ны өдөр контейнерэн “00”-ууд доголдолтой ажилласан. Тус компанийн ажилчдын тоо цөөдсөнөөс худалдаа, үйлчилгээ, хүнсний зөвшөөрөлтэй иргэд цахилгаанаа татуулах гэж цаг алдсан, үүнээс үүдэн 1 өдрийн орлого алдсан, хураамж, татвар өндөр авч байгаа талаарх санал, гомдол тасраагүй. 7-р сарын 13-ны орой хариуцсан ажилчид нь хуваарилагдсан талбай дээрээ байгаагүйгээс үүдэн худалдаа, үйлчилгээ эрхэлж буй иргэд цахилгааны утсаа салгах гэж цахилгаан хуваарилах самбарын хаалгыг эвдэж байсан.
- Үйлчилгээний болон урлагийн талбайд морьтой хүмүүс нэвтрэхгүй байх зорилгоор хамгаалалт болон морины зэл хийх.
- Хүнсний үйлчилгээ буюу хуушуурын зөвшөөрлийн тоог багасгах.
- Үйлчилгээний болон урлагийн талбайд сонсогдохуйц зарлалын радио уэль тавих. Үүгээр хурдан морины уралдааны цаг болон, Хүй долоон худагт зохиогдож буй арга хэмжээнүүдийг зарлах, байршлыг зааж өгөх.
- Хүй долоон худаг орчмын зохион байгуулалт, үйлчилгээний байршлыг харуулсан схем бүхий самбар, хог хаяхыг хориглосон тэмдэглэгээ бүхий самбар, наадмын хөтөлбөр, хурдан морины уралдааны цагийн хуваарь зэргийг харуулсан самбаруудыг байршуулах.
- Үйлчилгээний болон урлагийн талбай 2-ын дундах цахилгаан автобусны зам болон явган хүний зам, уулын энгэрээр хогийн савнуудыг нэмэгдүүлэн байршуулах.
- Үзэгчдийн 3000 сандлын ард талд цагдаагийн өндөржүүлсэн хамгаалалт нэмэлтээр гаргах. Хүй долоон худгийн тохижилт, зохион байгуулалтаас

Монгол наадам цогцолбор ОНӨТҮГ-ын 2014 оны тайлан, гүйцэтгэл үүдэн жилд ирж хурдан морины уралдаан үзэх үзэгчдийн тоо тооцоолсон байдлаас нэмэгдэж байгаа учир үзэгчдийн сандлын арын аравчнаас авиран гарах, морио уях зэргээр сандал нураах нөхцөлийг бүрдүүлж байна.

- Өндөр настан, хөгжлийн бэрхшээлтэй иргэд, бага насны хүүхэдтэй эмэгтэйчүүдийг нийтийн тээврийн автобусны зогсоолоос А, Б зогсоол хүртэлх зайд зөөх зориулалт бүхий цахилгаан автобусны тоог 20 хүртэл нэмэгдүүлэх.

ХАВСРАЛТ ЗУРГУУД



Хавсралт зураг № 1



Хавсралт зураг № 2



Хавсралт зураг № 3



Хавсралт зураг № 4



Хавсралт зураг № 5



Хавсралт зураг № 6



Хавсралт зураг № 7



Хавсралт зураг № 8



Хавсралт зураг № 9



Хавсралт зураг № 10